

聖水寺志卷二

詠湛同明倫原輯

通淵同實懿重纂

祖師

名山勝刹必有偉人焉主席其間闡揚正教然後鹿苑生輝雞園增色若南宗北秀各啟宗風開山說法者是矣抑或持苦行厲真脩使四方欽仰皈依亦足取焉至若橫說豎說總屬旁門朝參暮參不離惑障是則野狐鈍漢實貽餅鉢之羞寧足道哉今之所書非有光禪門實證善果者均所不列志祖師

聖水寺志卷二

一

道膺禪師幽州玉田人俗姓王氏髫年出家於涿州延聖寺參方至翠微聞洞山法師名遂造焉契悟宗旨居豫章之雲居山久之來杭住錫吳山之西著語錄行世有傳

佛印禪師諱了元字覺老江西浮梁縣人博極經典禪悟超然主席聖水緇素咸欽名人碩士樂與之遊天子聞其名以高麗所貢磨納賜之東坡守杭日與往還其贈答詩文至今流傳

中峰禪師諱明本號幻住錢塘孫氏子元帝賜號普應國師虞集銘其塔揭傒斯序其語錄趙孟頫書

其淨土詩其身履長大倍于時人眞佛門羅漢也
茶毘于天日本寺建塔藏其髮爪舍利遺麻履二
尙藏寺中有傳初松雪極敬禮馮海粟意殊不然
及示梅花詩六十首師談笑立和復別成百詠及
九言一首馮由是歎服加禮焉

天如禪師諱惟則號天如豫章廬陵人髫年出家初
參海印禪師後參中峰和尙遂嗣幻翁法往來華
亭吳門天目不開堂不領住持到處皈依問法有
語錄四卷

守泉禪師諱照兼海鹽縣陳氏子九歲出家習醫善
談論爲外麓房之始祖買田六畝在海鹽以貽後
嗣塔在畱下安樂山

聖水寺志卷二

二

宏泉禪師諱清蔭嘉興縣蔡氏子少聰敏聞佛卽欣
然樂禮住東麓外麓薙髮後復喜習醫雖以術鳴
而脩持愈力因往平審聞谷大師所受具足戒歸
請徑山義航法師說楞嚴般若等經裝塑彌勒韋
馱諸像填山西水衝大坑善行不能殫述先是和
尙楚才重建圓通閣未畢而卒師爲勉力落成復
發願修建大雄殿有木商倪作霖者曾以藥生其
命因罄資得三百金託買大木將建殿以畢宏願

天不假之以年賁志而歿塔于西山月桂峰下後
本山開拓禪房猶用其遺木不盡云

寂心字精齋嘉靖庚申寺幾爲勢豪奪爲窳窳地賴
師虔禱神明指示得以保全然師以此弊命杖下
明給事戴公紀其事吏部郎中毛汝賢篆都綱良
縉里人諸應麟本山住持性哲等立石邑侯胡公
復爲立傳

耆宿

光耀無邊盡續慧燈之燄淵源有自總揚覺海之波
振此宗風仗我耆宿故寺有初祖以開其基必藉繼

聖水寺志卷二

三

世以持其後或證明心性紹往開來或恢宏願力興
廢舉墮庶幾三門永輝法輪常煥若僅衣粗食淡完
山僧野衲之本分安能使木佛放光金繩永奠耶然
則繼世之賢否寺之興廢係焉苟有賢者悉當考其
遺行備錄而細書之志耆宿

雲閣黎宋元祐間住持菴中危坐讀書客來過訪不
交一語未嘗窺戶者十五年無疾而化

明乘嘉禾陳氏子早歲依雲居出家後禮天目山獅
子正宗禪寺中峰和尚受具久之有省還山不忍
菴之凋敝經營數載百廢俱舉年五十辭院事精

脩淨土臘六十有八

指月錢塘人姓林投雲居落髮六時行道薰脩懺摩
旁通書史喜種植性剛直慨殿宇卑隘躬芟荆莽
興工重建頗極壯麗臘七十有三微疾念佛而終
潤齋不知何許人中峰爲之贊味其語意蓋亦白足
高僧而精岐黃者

方思字無念仁和人幼弱不樂居塵埃詣雲居薙染
惟一衲一鉢蕭然自處二十年不出山天如禪師
有無念記

聖水寺志卷二

四

至朴字素菴海鹽人性端慤慈慧有恢宏紺宇之志
遂建觀音閣萬佛閣方丈兩廊興造之功惟師最
多塔在城北望佛橋左侯祠內

文紳字用彰海鹽人素菴之徒司主院事成化己丑
復建中峰塔院立像

智昭字盟谷嘉禾人脩隱西麓山居慨聖水廢址尙
存遂白藩司奏聞賜金額重煥金碧

道孜字義方仁和人清脩苦行紹往創新有碑記
真心字精齋錢塘人精禪學無俗氛有死節碑記
良縉字以雲號賓山桐鄉姚氏子父母知其有釋氏
宿因捨送鹽官安國寺性好吟詠正德戊辰薙染

爲僧復究心儒術詣陽明先生聞良知之說具悉
三教異同之旨識見益宏與玉芝聚禪師齊名登
萬壽戒壇受戒畢樂西湖山水之勝脫屣故業掛
錫于雲居超然山房本郡桂湖陳公舉爲都綱暮
年移住虎跑寺

宗福字東溟吳興黃氏子年十二白父母願出家父
母許之投雲居看松山房落髮性敏而誠恒誦經
課佛脩懺摩作佛事

誅湛字休復不知何許人究心禪學博極羣書偕門
人明倫纂輯寺志

聖水寺志卷二

五

德一字達方仁和郎氏子禪學之餘兼精詩賦一時
名流樂與往還年登大耋趺坐而化有詩集一卷
寂章字密印桐鄉毛氏子自幼披剃受具足于靈隱
具德禪師以醫能救濟眾生遂紹宏泉之技且命
如不能作人天師不妨精岐黃術

德璠字寶雨嘉禾人披剃中麓山房禮慕雲覺明兩
師參學之外精于焦桐冠蓋過訪有如雲集燕秦
楚閩足跡幾遍呂章咸爲之傳

德言字心學精岐黃工詩能文總河陳鵬年少宰湯
右曾仇兆鰲往還唱和有趺翠樓詩一卷

祥峰大師昔住香積戒行高妙合郡士民延請至寺

開壇說戒

元玠字玉山有愁囊集一卷行世

僑寓

古今高人達士莫不抗志烟霞寄情邱壑視熱鬧場
不啻苦海曾不能終日處若遇名山勝境精藍淨社
每畱連不忍去雲居寺雖在都會之衝實爲烟霞之
窟且筠寮松舍靡不雅潔故投簪解組之客與探奇
選勝之英當其欣於所遇或低徊三宿或憩息經年
歷世旣遙寓公不少凡有足稱者書其爵里姓氏使

聖水寺志卷二

六

與名山同不朽焉志僑寓

杜真人南容人不詳名字有脩煉術能符藥濟病又
能祈禱晴雨與松雪趙公常往還于雲居中峰師
亦不以立教而拒之有如遠公之遇脩靜也

楊維楨字廉夫會稽人有重名不樂仕元寓七寶山
鐵冶嶺因號鐵崖日遊雲居爲養真之所

薩都刺字天錫雁門人元至正問官至學士來浙寓
居歷覽名勝題詠幾遍

孫一元字太初太白山人丰儀秀朗踪跡奇譎立巾
白袷混遊塵俗常以鐵笛鶴瓢自隨寓所會心輒

一傾倒初談導引人疑其仙晚始婚娶入司空劉
公湖南雅社詩詞瀟灑雪江居西麓數與往還或
共住彌月後雪江移居聖果孫居湖南西隱菴清
江皓月映照兩人

鄭憶蘭隱于山寺宏治間石塘王本仁孫德昭德誠
全訪之有詩

夏元吉字維喆德興人明永樂時官至戶部尙書諡
忠靖因奉命督餉至浙寓聽松樓著看松樓記畱
詠諸什墨蹟猶存

劉鑄中陽人洪武二十六年應浙藩之聘司文衡之

聖水寺志卷二

七

任寓寺彌月有和王方伯詩墨蹟

王守仁號陽明餘姚人有明一代儒宗正德時封新
建伯諡文成每過錢塘卽榻雲居

釋法聚字玉芝號月泉別號天池老人出家海鹽資
聖寺聞陽明先生講良知有省後參方契悟宗旨
遊杭喜西麓幽勝居數年出度世緣有語錄詩集
釋明秀字雪江海鹽天甯寺楚石禪師十四代孫寓
居西麓聽鶴堂數年後移居聖果號石門山人終
于天甯有詩集

徐渭字文長號天池一號青藤道士會稽人書畫詩

文無不入妙中丞胡宗憲辟至幕府每出卽以雲居爲別館袁中郎有傳

釋廣印字聞谷嘉禾人本郡清屏山開元寺出家參成都儀丰禪師有省復參雲棲蓮池大師興藜席于陶山今爲眞寂院後因藜林事繁愛雲居幽謐常養靜愛松山房

祝鑾字篁溪抗志烟霞怡情山水嘗居雲居別業與太白山人爲世外交

查繼佐字伊璜海昌人博學高才書法直逼魯公不樂仕進惟癖泉石坐卧雲居經年彌月寺藏其詩

聖水寺志卷二

八

字甚多

黃機字次辰幼時肄業外麓山房達方師年七十時製文祝之官文華殿大學士

仇兆鼈字滄柱康熙乙丑進士官至吏部侍郎爲時聞人與韓慕廬葵翁鐵菴叔元胡抑齋作梅陳介

眉錫嘏齊名讀書寺內請業者甚眾

趙蒼壁字園菴康熙壬戌進士官侍御讀書外麓山房詩文甚富僧心學輩俱其造就令子荃蘇芝亦久肄業于寺

陳鵬年字北溟號滄洲楚湘潭人康熙乙丑進士官

至總河初任西安令每至會城必至雲居解任後
下榻外麓山房日事吟咏墨蹟甚多

蔡升元字方麓宏泉師之族也在寺肄業數年康熙
壬戌科狀元官至禮部尙書

張嗣溥字銘軒衢州開化人選拔貢士同弟嗣博每
如杭卽寓外麓山房爲人好善刊戒殺戒淫等書
行世

陸有繩字道胤本郡人官延津未遇時靜攝山齋多
歷年所有募脩雲居引

魏嶠字雲岑大名人康熙丙戌進士宰錢邑謝事後

聖水寺志卷二

九

寓中麓孤雲兩房

徐涵字季容崑山人大司寇健菴先生之孫中康熙
己卯鄉薦官溫州太守襟懷瀟灑詩酒淋漓不減
王謝風韻公子記名于通淵法名智耀

盧莫勳字敏功仁和人標格高逸詩文古秀讀書跌
翠樓上人以爲仲宣再世

錢琦字相人仁和人肄業趺翠不事遊覽潛心經史
識者知爲偉器

唐建中字赤子號南軒楚天門人康熙癸巳進士翰
林才名震俗樂雲居之幽異跌宕詩酒布衿履悠

然自得人不知其爲太史也

周漢傑字房仲江西人官副使寓居年餘著有蘧菴集爲本寺作志序

胡石圃諱作柄爲仁和邑侯解組後寓外麓十有餘載陶情詩酒作三台石記

周經邦字凝巫一字理齋號龍岡其先江南雲門人也祖勿菴諱份始遷于杭占籍錢塘博學高望後學宗仰與甬東鄭梁禹梅仇兆鼈滄柱齊名晚歲登康熙己酉賢書一試禮部擬第一人復失去遂不再上春官以宏博徵固辭不就畱京師十載名

聖水寺志卷二

十

公卿大夫推重之再傳至孫邦讀書外麓山房著有四書大全參閱尙書約義龍岡藝志樊桐山人文集長子天度字心羅庚午科解元玉環司馬李公諱惺延課諸子假館外麓

金志章號江聲錢塘人官口北觀察解組後游雲居吟詠頗多著有江聲草堂集

杭堇浦諱世駿錢塘人以宏博徵官翰林編脩文章詩賦人皆宗仰暮年歸里不時吟嘯雲居

朱鹿田諱樟爲澤州太守住居山右朝夕吟眺著集頗多

黃松石號楷癭仁和人博學多聞隱居城北長至寺

吟眺

汪沆字西顥別號槐堂錢塘名士以宏博屢徵不赴
有沽土題襟等集每閒過雲居吟詠忘返

施安字竹田本郡名士也風流跌宕每至寺吟嘯

張世犖字無夜別號妙峰登甲子科解元博通內典
每覓句于佛印吟廊之間

吳樹虛字西林仁和處士也隱居城北不與外事學
通三教著述等身每月朔至趺翠山樓講論楞嚴
諸經義布衣芒履超然物外

聖水寺志卷二

十一

戴廷熺字綸掌別號珠淵辭榮歸里陶情山水詩筆
清綻每偕丁鈍丁金壽門周穆門吳甌亭邵晉之
諸名士登眺雲居吟詠竟日

柳溥字德洋別號潔夫錢塘明經辭宗鬻南歸設帳
于外麓山房居十餘年與僧崙山築山亭于東嶺
之巔執經問字者屢滿戶外詩才敏捷爲文立就
有城南十六子之名

釋明奇字具如別號懶雲吳興人也始開堂于平湖
上乘寺次遷小崇福再住香積寺後住維揚天甯
禪寺方丈退院後隱居西湖之北書法絕倫禪學

精奧面如滿月暮年往來雲居卽雲巢嗣法和尙也今塔在西溪

汪皋鶴字立亭徐州人曾署錢塘令愛民如子頗有清聲政事之暇過雲居吟詠探幽

靈異

石言於晉神降於莘見之於經書之於傳其在梵筴如來在西域現種種神通流傳中國以爲美談是知幽奇玄怪之事世所時有世人狃於聞見凡耳目所不及輒斥爲誕虛陋矣雲居自唐歷明六百餘載或仙或佛屢有異徵雖理標象外說似鑿空而蹟著山

聖水寺志卷二

十三

中事皆摭實因述向之所聞以傳來葉云志靈異

呂巖施肩吾皆唐進士相傳仙去明宣德元年兩乞匄至寺門語笑移日臨去草書一回字又楷書方人也三字識者謂二公降臨云

世傳道膺禪師清臞如鶴採薇蕨以代齋糧或彌月不食

宋乾道間僧能會就巖建菴取巖下水咒之以施病者輒愈

黃龍洞僧宋理宗時人自諱其形矮劣因洞巖有巨石命工肖已形長丈餘飛雲隱其足祝之曰願後

世有身等此涅槃後託身錢塘孫氏有異相及長
身長九尺有奇出家卽中峰和尚也所遺蔴履二
倍於恆人今尙存寺中

正德間一士人過鍾翠亭見二乞對食肉糜盛以青
荷時殘臘積雪士疑深冬無此鮮荷葉正詫其異
二乞卽起行尾之至寺門見其入踪跡之不可得
嘉靖庚申寺將爲勢橫所奪僧眾虔禱伽藍神神流
汗不止者三日遠近來觀事聞當道寺賴以全

精齋禪師因勢宦傅姓欲奪寺作葬地禱於土神忽
見老人指示曰雲居山有王者氣太史謀之是何

聖水寺志卷二

三

意將此二語遍貼通衢則事寢矣後果然

明正統間因鼓鑄有毀各寺觀銅器之檄寺僧懼大
鐘不能全羣禱于伽藍殿時鐘已被當事傳工役
舁出山門忽墮地數百人莫能移銀臺張石川聞
之知佛力護持止弗燬仍舁至大殿僅數人力耳
舍利法雲塔耆舊相傳塔成每夜晦見周匝有白光
久之入塔縫

太守劉半堂手植蒼松三十株大已合圍有欲翦伐
之夜夢長髯叟誦楞嚴咒醒悟而止

關帝聖像舊在正陽門康熙十三年忽放光布政司

佟公諱國器以夢兆請遷於大殿之東廡

有僧夜見白光起于井中是日大雨豈龍也耶

玉觀音菩薩高尺餘萬麻丁亥歲旱都司前衛浚井
得磁相法身端好瑩潔如玉因稱玉觀音王都閩
送祠于圓通殿越數年有私移別供者卽構奇禍
旋卽奉歸天啟癸亥秋寺眾咸夢大士云應化他
方晨起遂不見相有人見于吳門北禪寺至寺訪
求寺僧云有一居士送此因集眾迎請歸山隨卽
失去

松嶺古塔基每遇秋月皎潔夜半現五色祥光或如

聖水寺志卷二

四

來法相

古蹟

世尊常云一彈指頃成去來今天運且然況人事哉
故榮華過眼譬之空花等之泡影是不獨甲第名園
有然卽精藍香界或經兵燹或毀雨風向之朱甍畫
桷崇宏岌巖者悉墮劫灰倘不急爲標舉久將湮沒
無聞聖水寺屢廢屢興自宏治至今則經臺講室半
歸虛無有如前所云者幸佳名尙存舊蹟可考是賴
有力者一振興之庶幾重換雲山之色豈非三尊之
厚幸歟志古蹟

大雄殿五楹今廢

觀音殿三楹有樓旁有兩披今廢

方丈三楹有樓外有兩廊今廢

十王殿三楹在天王殿西愛松房後今廢

圓通殿三楹今廢

秋夜坐圓通閣 閣做月飛白山高雲噴流鳥嘯星
釋德一達方題

藏經閣今廢

萬松閣今遺址卽南溟房尚有數百佛祖立平屋影

壁

聽松樓今廢

聖水寺志卷二

五

法雲塔在中峰祖師塔院後今廢

鼓兒井不知闢是何年井欄如大鼓狀故名昔有本

寺沙彌悞落井中自辰至未不沈不溺救起無恙

詢之云如有人背上託起亦神明之默佑也乾隆

辛卯冬大旱外麓葦航鳩工浚之去土石四百餘

担下周圍大三丈六尺深五丈五尺傍有活石如

觀音兜可藏十餘人津津水脈微流疑泉竅在是

焉下有條石三十九層上皆大甃砌繞闔寺飲汲

皆賴此井

石亭在橐駝嶺上過客行人憩足於此東瞻朝旭秋

濤西觀湖光山色真勝概也今廢

振衣亭拒城十數武臨高縱目迥出塵表真有振衣

千仞之勢今廢

讚玄亭今廢址側片石似屏有紀遊姓名年久模糊

苔蘚駁蝕不能識

疊翠亭在三門外右百五十步城外西南諸山排青

聳翠撲人襟袖坐久忘歸不知此身猶在塵埃中

也

閨重九同讓山漏雲登疊翠亭故址實懿閨九同幽

屋西雲和山不斷霞映日初低亭廢惟留蹟僧間各有題徘徊頻望老我在招提

聖水寺志卷二

六

古塔基去松樂亭址百步先有七級浮屠影落塔兒

街今廢

超然臺在超然房之後高阜夷敞諸峰列峙兩湖浮

映超然于塵俗真絕境也今廢

怡筠房于雍正八年僧清遠將破平房五間連屋基園地悉賣與朱宅為讀書別墅于雍正十三年外麓僧崙山係本寺之產不忍淪沒勉力用價贖回而屋宇年久坍塌惟基尚存今歸外麓辦糧

竹隱房

中麓房

超然房

山居房

今改瑞凝道院外餘地一方屬西麓房管業後西麓契賣于外麓乾隆三十六年間憑

黃金聲蕭成子二居士捐資買助道院後因仁和
邑侯高公建紫霄宮今晶疑別墅之址卽是其地
雲居總名辦糧無從開付公議每年道院住持出
津貼錢一百六十文訂于端午節交入外麓以爲
永遠抱納之資并有公議津
貼糧票一紙存外麓爲照

松隱房

看松東房

看松西房

嘉棲房

曉然房

般若房

翠東房

聖水寺志卷二

翠西房

玩松房

以上諸子院俱廢

聖水寺志卷二